

中国文献珍本丛书

晚清珍稀期刊汇编
(三十八)

全国图书馆文献缩微复制中心

本社名譽贊成員

謹以先後爲次

陝西茹君欲可

捐助日幣二百元

山西景君耀月

捐助日幣參元

四川鄧君 絮

捐助日幣參元

山西相君黃六

捐助日幣參元

山西張君起鳳

捐助日幣參元

山西張君士秀

捐助日幣伍元

江蘇俞君劍華

捐助日幣伍元

江蘇何君瑞峯

捐助日幣貳拾元

山西景君定成

捐助日幣參元

山西喬君宜齋

捐助日幣貳元

直隸杜君 羲

捐助日幣貳元

湖南陳君 柯

捐助日幣壹元

山西邵君 鉞

捐助日幣貳元

山西陳君 玉麟

捐助日幣參元

山西張君 之仲

捐助日幣參元

山西蘭君 燕桂

捐助日幣參元

山西王君 士選

捐助日幣參元

直隸張君 信

捐助日幣參元

山西李君 鏡蓉

捐助日幣貳元

河南燕斌 女史

捐助日幣參元

河南李君 殿聲

捐助日幣伍元

陝西李君 自新

捐助日幣伍元

陝西劉君 士楷

捐助日幣貳元

陝西牛君 翰臣

捐助日幣拾元

捐資

共計貳拾元

本社第二期名譽贊成員

安徽	湖北	安徽	山西	山西	湖南	陝西	陝西	甘肅	江西	新疆
姚君定國	吳君震岳	江君國屏	志君自善	雙君目子	劉君孝叔	雷君崇修	高君冠英	鄧君宗	葉君鎮東	蔣君舉清
捐助日幣參元	捐助日幣貳元	捐助日幣參元	捐助日幣貳元	捐助日幣參元	捐助日幣壹元	捐助日幣五元	捐助日幣五元	捐助日幣五元	捐助日幣參元	捐助日幣伍元

本社第三期名譽贊成員

陝西李君博

捐助日幣拾元

陝西李君協

捐助日幣拾元

陝西雷君寶芸

捐助日幣伍元

陝西馬君宗燧

捐助日幣貳元

甘肅原君志迥

捐助日幣參元

陝西陳君樹藩

捐助日幣參元

山西南君桂馨

捐助日幣貳元

本社第四期名譽贊成員

浙江葉君華伯

捐助日幣伍元

陝西薛君驊

捐助日幣伍元

陝西劉君觀光

捐助日幣貳元

陝西高君普熙

捐助日幣參元

陝西李君述華

捐助日幣參元

尹公

捐助日幣伍元

陝西李君丙昌

捐助日幣參元

陝西李君伯符

捐助日幣伍元

陝西王君震良

捐助日幣貳元

陝西陳君同熙

捐助日幣參元

陝西盧君潤瀛

捐助日幣拾元

本社第五期名譽贊成員

陝西陳伯瀾先生

捐助常年費陸拾元

四川王君亞偉

捐助日幣貳元

四川苟君啓元

捐助日幣貳元

代派員及訂報諸君公鑒

本雜誌第五號現已出版。內地閱報及代派諸君所欠報費。尙未滙交者甚多。按本社章程。第一冊收到後。訂全年或半年者。即須豫交全年半年報費郵費。（本雜誌爲愛讀諸君謀便利及推廣銷路起見。現經日本認爲第三種郵便。每冊零寄一分五釐。全年一角八分。較前大爲便宜。但內地如重加郵稅。則請暫於售賣時。酌加以後定行設法。）今從本號起。凡以前所欠報費。如未滙交者。請速滙交。否則停寄。至不能直接滙交本社者。請均交西安教育總會。南雪亭先生收存爲禱。

本社敬告

論 著



策國民之前途

皮 生

夫明於已然之跡者可以察未來之情狀。吾欲策將來請先言既往者。東西大陸交通伊始。西方之人。鼓其冒險之勇。奮其殖民之策。涉足重洋。入吾深阻。深察夫吾之厚於物質。可以應其所求也。於是爭來互市。冀遂其欲。而訂立條約。交相貿易者。非止一國也。設立商埠。許其棲留者。亦非一地也。開數千年未有之局。與競爭力最鉅之民。相交際。觀人之長明。吾所短。知數千年固守不變之習。不可以通於今也。而取法於人之念。日益發達。事事步趨他人。冀不爲所蔑侮。而與之立於同一之位置。十年來更無日不以此爲事。然而行之愈久。毫末罔効。土地日益蹙。民生日益困。今遂至不能與五大強國並相抗衡。而彼五大強國者。固明明以保護支那領土機會。

夏 聲 第 五 號

均等諸約束。互相協定。欲以終就其瓜分之初計。並愚弱於無形。吾黃帝四千年靈明之胄。裔神州億萬方里之大國。不旋踵將不復稱道於今後之世界。而使後之人聞吾支那之名。如吾今日之與人談波蘭印度也。吁。亦太甚矣。雖然。吾熟察夫往跡。極究其所以。彼日本之與歐人相往還。也不先於我。其謀變易一切。以更新百度也。亦祇三數十年。與我若也。然而行之十年二十年。而憲法一布。國本遂立。三十年挫我於東陲。要挾多端。民氣益振。不四十年而遏強俄。東漸之勢。號稱世界一等強國。與英美德法並矣。夫同爲黃色之民。同居亞東。智識勇力無差異也。幅員之廣且甚。懸絕而吾開國之古文化之啓。又非彼之所敢望也。三十餘年之前。彼於道德學術物質文明。且事事取法於我。惟恐不肖。又彼國民之所不能諱。不忍忘。而稍有識者之所最稱道者也。然一川變法而強。一則行之而無救於危亡者。吾國民亦嘗熟察夫情與勢。而知其有不能不至於此者。在乎請試言之。夫立國於大地而有文字語言。有法制習俗。自爲一團體而永久得以存立者。必有一團之道。德以範圍其民。有歷史之遺傳。以爲其國民之指導。而又有其現時之情勢。驅其民使不得不利川之。

以圖存者而後可。若舍其道德忘其歷史，而又不察夫現在情勢之如何而欲其民之有所向以爭趨而終鞏固其國家，無所迷於他途，一旦失敗者，此必無之事也。今吾國民道德之觀念，歷史之遺傳，與夫現今之情勢，可得而略言也。三五以前，尙矣。堯舜禹湯文武周公諸聖哲，實吾國道德之初祖。至孔子而始集大成，故曰祖述堯舜，憲章文武。又曰述而不作，信而好古。然則孔子之道，非自創始之也。循大聖之遺文，習堯舜禹湯文武周公之舊典，光大之耳。而吾民數千年來所賴以爲建國定邦安身立命之基者，實惟孔氏之道德是信是從。而亦即由乎堯舜文武周公諸聖哲之所留遺而習而行也。夫自堯舜以至周孔其道一也。制爲典禮別爲等差，皆所以範圍其民，使循乎道德之途，措其國於郅治之隆，磐石之安，祛蠻野殘殺之習，進其民德，大啓文明，與夷狄他種之民立於相反之途，不復能使之合同者也。故吾民深嫉夫外夷之侵入，詆異種爲禽獸，道德之進化千萬變，而其種族夷狄之念，雖至乎天地閉歇之秋而終不復可奪於吾民之心。吾又徵諸歷史，自黃帝以來，代以征服外族，保衛民生爲非常之榮譽，以見侮於異族爲其所征服者，號爲大羞，以討國人。

號 五 第 聲 夏

故自皇古以迄今茲著書立言者亦無不以此爲不可稍變之旨而數千年來深印於吾民之腦雖至永久終不得有所遺忘者故黃帝服蚩尤於涿野而周公是膺是懲大揚我武逮乎漢武四征四服尤爲吾民之所常稱道自茲以降迄於近代曾不二千年而蠻夷猾夏入主中原者至於再至於三矣故秦漢而後中國之歷史與前古異痛哉弗忍言矣然而當其亡也志節之士深明於大義視國恥爲不共戴天赴死如婦者上自士夫天下迄編氓或城邑遭屠屍埋大塚或聚族自殘憤不同生吾披閱往籍誠深哀悼思猶追傷夫愛國義士之不可復生而豫悲夫吾民今日之將更逢此厄之最爲可慮也又觀夫近今之情勢國本岌岌動搖欲傾環我者眈眈遂遂其謀日深何一非夷狄之爲患而主持國政握吾民之生命者非不習知而深察之也然而與吾民異其心者誠利害關係之不同不可以強其爲我謀也故四五十年來吾民號呼於下志士仁人捐軀粉身以爲之而外則列強狡焉時以巨艦大砲恐喝於我內而奸人効忠曰應計謀摧折之術至乎今日吾民殆不復有可以圖存之理矣然一二志士欲鼓起多數之民爲背城借一之舉故近年以來爭謀收回權利

與列強間接相遇使他人知吾民尙有獨立不可輕侮之概者其爲益不甚大哉然而吾民雖有攘除外族之念而夷患既深內外爲難顧或舍此趨彼或知其一不知其二支節而爲之而忘一舉廓清斬除淨盡之策其爲非計固不待智者而後辨之也今吾民處危急存亡之秋思救其國者固不乏人於是其爲術也亦各不一端而今日之談憲政者尤爲多數盲從者之所歡迎夫憲政爲治國之具今世界文明國民所公認以爲是吾亦無術可以禁人使不談也然謂他無所事急急焉移此於吾國即可以操強國之左券而覆其亡國之惡名則俄施憲政於波蘭法布憲法於安南英於印度日於朝鮮與吾之施憲政於今日其爲用一也爲效等也如是則天下無亡國夫天下無亡國則何不可稍待至五六年十數年後諸國瓜分我而請於彼悉於憲政者而乃急急焉謀之於不知憲政之人何也吾早夜以思以爲此皆談憲政者所當深明於心而猶爲之者殆以爲舍此別無可以苟存之策故姑爲之而冀收毫釐之効於今日也然又烏知其用意之爲狂爲囂而絕無絲毫之能有所得也何以言之夫四十年來言新法者非今日之政府乎無日不爲之而究其所爲者何

事新法之收効於今日者。安在有能舉其大者。示於人乎。然猶曰。四十年來之偽政。一切舉而諉之於今日之新政府。彼或不任受也。十年來之新政。其爲新政府之自爲之。而不復可諉之他人者。固甚明也。而官制之改。以數年矣。學務廢弛。軍政腐壞。郵便電信之業。未嘗計其爲民利農工商諸大政。殆未少有所布置。而歲費巨帑。蓄養諸官不足。則肆然借債於外國。而冒以舉行新政之名。以爲吾民將來之患。害又此諸端尤。以教育爲常務之急。而特見棄遺不施。整頓坐使青年子弟展轉失學。流爲愚而無用。蠢蠢如鹿豕。以遂其阻絕文明。愚弱吾民之志。以爲如是。則天下無革命之談。而彼乃得高枕而臥。無所復慮。夫以如是之政府。而日日言立憲。五年十年十五年之豫備期限。常視吾民之舉動。如何以爲伸縮。而又於立憲豫備之時期。宣布言論集會之苛虐條例。以爲摧抑吾民之具。吾民猶日旁皇焉。望政府與以參政之權。得以警其長短。豈不甚愼吾民。更即四十年來政府之措置設數言。以解吾民之惑。夫政府而欲實行新政。以利吾民。則此四十年中。雖未嘗談立憲。議國會。而學術工藝。必且稍稍發達。國際交涉。亦或稍能進步。然由今以觀。則國民之智識不進。

如故也。政府之外交劣敗如故也。今且立於諸強國互相均勢之下，欲有所爲而不得，而吾民乃猶望其以憲政與我，無論政府之決不肯與，即使與吾民矣。而以此故列強謀我之計，即可藉以消滅乎？就令不我謀矣，而以四十年舉行新政之政府，復來從事於立憲，更四十年後憲政之施行，當與今日施行之新政同一現象。吾民亦以此爲快於心乎？非甚至恐何肯出此？然則將奈何？吾熟察夫吾民之道德歷史，與夫現今之情狀，而有以知吾國民決非立於異族勢力之下，而可以圖存，必且倡吾道德之觀念，溯吾歷史之遺傳，以利川此現在之民氣，而從事於外攘內政，使列強避然而驚，制我者轉而受制於我。大吾華夏之名樹，吾獨立之幟，以與列強相見於戎馬玉帛之間，則庶乎其對於古先祖考而無愧也。抑又思之，當此積弱危迫之秋，而欲因禍爲福，轉危爲安，非合吾全國之力，羣焉奮興急起而共謀之，則大廈之傾，一本難支，束薪之火，易歸消滅，烏能舉中國之民，使盡登衽席之上，而無復受制於他人也？然而土地之遼濶，人民之衆多，冠絕古今，甲於大地，今其民渙焉散焉，莫相聯屬，譬猶病癱痺不仁者，肢體不相知，行動弗能得，而望其指臂相助，手足相扶，肢

夏 聲 第 五 號

體相爲用曰、是其痛癢有攸關也。則誠不知病癰痺之妄言。而凡人之所不見信者。也。吾國今日之情勢亦猶是耳。一方病矣。欲藉他方之力爲之驅除。而他方之力非所能至何也。他方亦病也。夫一國之中固如唇齒。又同輔車。輔車相依。唇亡齒寒。今唇齒俱病。輔車同敝。欲相爲用。何可得也。吾爲今日計。則合此罷弱衰殘龐大不可收拾之巨體。而欲鼓之使前。合同一致。以自爲則。或不免有鞭長莫及之虞。而終至於失時無功。弗敢斷言。若舍此而別圖。使一方之人各自爲謀。則聲氣易通。情義易達。爲之而其效亦易覩。此徵之事實。最爲顯明者也。若夫山川形勢之阻隔。風俗習慣之成爲天性。率皆一方有一方之特異。而終不可苟同者。聚於一爐而治之。則或互相抵牾。窒碍不通者。往往而有。分而自爲。則收因俗利導之效。息爭端於無形。然後統而一之。互相爲助。如美利堅之合衆。而成德意志之聯邦。而居以稱雄於東亞。並立於列強。甚非難事。而顧不爲此。俯首帖耳。屈辱於他人勢力之下。坐受其敝。與之同歸於盡。而無悔。使神州美號常此湮沒無聞。以貽羞於將來。竊爲我國民不取也。有導誘吾民之責者。其亦遠懷古先。追思既往。更觀夫現在之情與勢。而爲吾民

一熟籌夫所當由之途乎吾之所甚願聞也

開發西北回部之根本問題

回 復

寥廓之野枯草盈郊。螻蛄飛蠕動相率引入而寄棲焉。以爲得自安之宅。未幾野火燎原。草蟲同歸於盡。識者譏之。謂叢林茂木。隨處有適存之地。彼頑蟲不善所擇。自求束縛於網羅中。終與網羅俱焚。悲夫。可爲長太息者矣。雖然。吾觀斯言。更有莫大之悲。油然而生焉。巨網之設。數百年於茲。維鴻及魚。咸則履之。施網者固屬常例。而不知誤投及知而故安於見慣不驚者。亦習於性成。豈知執火欲焚者。環我側。皆是特尙未及燃耳。此蓋吾國今日逼肖之現狀。而吾西北漢回民族。雜處奄奄待斃。交困於槽檻之下。昧自新思想。不知大禍之將臨。其現象又何異夫是也。鷹麟虎視挾其各種政策。迫我而來者。無慮數十國。瓜分豆剖之謀。瞭然掌上。破竹起點。或自東南或始西北。說者據兩方面窺測之。謂東南環海濱而處。便各國艦隊往來。今者港灣要律割據殆盡。一旦風發雲掣。先制東南。死命然後升陸。以徐下西北。其爲計也周。